



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 2. Admiranda Constantinopoleos.

urn:nbn:de:hbz:466:1-13167

§. 2. Admiranda Constantinopoleos.

CVM Constantinus Imperator statuisset Ilium reparare, instrumenta fabrorum Byzantium translata sunt; & cùm ipse pomœtrium vrbis aratro signaret præcedere visus est eum ignotus aliquis, qui moneret quousque procederet. *Zonaras Tomo primo, & Baroniūs ex eo.*

Constantinopoli prostant 7. turres ad sinum *Cornu* appellatum; harum in primâ si quis vocem emisisset, aut lapidem proiecisset ipsa similem vocem resonabat, quâdam machinatione, & secundâ repetendam dabat, itaque vox per omnes procedebat, nec alia turbabat aliam, sed singulæ vocem explicatam excipiebant, & distinctè reddebat. *Georgius Cedrenus.*

In eadem vrbē Bibliotheca fuit continens sexies centena millia voluminum, inter quæ erat intestinum Draconis 120. pedum, in quo scripta erant Poëmata Homeri Ilias, & Odyssea literis auricis; deflagravit autem vñā cum Bibliothecâ imperante Basilisco. *Idem Cedrenus.*

Temporibus Anastasij statua Fortunæ ex ære facta, cuius pes premebat nauim, locata est in quadam vrbis parte, cùm nauis illa temporis diuturnitate fracta esset, & eius membra furtim sublata, accidit vt naues Býzantium non appellerent, & ventorum violentiâ ingredi prohiberentur. Cùm verò hæc restituta fuisset sublatum incommodum; iterumque de industriâ sublatis nauis huic membris, vt causa probaretur, idem quoque damnum passi sunt Constantinopolitani. *Zonaras.*

In lacu Neorio æreus bos ingens statutus est, quem aiunt semel in anno mugitum edere, tûmque vibi imminere calamitatem aliquam. *Aliqui apud Gillium quos irridet.*

Cùm Simeon Rex Bulgarorum à Chrobatis victus esset, nunciatum est Imperatori statuam aut columnam quandam in Xerolapho Constantinopoli, illum Simeonem significare, ac si quis caput columnæ, aut statuæ rescinderet securum Simeonis interitum. Tum Imperatoris iussu ablatum statuæ caput, aut apex columnæ, & eodem prorsus tempore sublatus est stomachi doloribus Simeon, horâ ab Imperatore diligenter obseruatâ. *Zonaras.*

Quotannis mense Aprili pescatores Christiani, qui Constanti-

nopolis degunt Arenam legere in Ponto Euxino, eamque deferre ad Palatium, seu Serallium Ottomanicum: eo enim modo ostrea propè innumera hīc capiuntur, siue res ingenita sit huic arenæ, siue ostreorum semina huic permixta sint. *Odeporie Domini Des-Hayes.*

Multa prætermitto quæ hodie dicuntur videri Constantinopoli, ut in fonte pisces aliæ assi, in quorum squaminis assationis vestigia durent, & alia eiusmodi, quia sine auctore circumferuntur.

§. 3. Admiranda Macedonia.

CIRCA Atintaniam iuxta colles Apolloniatis petra est, in qua latens ignis non appetet quidem, sed superinfuso oleo exardescit. Plinius hanc petram pluuiis incendi videtur innuere. *Aristoteles in Admirandis, & Plinius lib. 2. cap. 106.*

Iuxta gelidum fontem semper ardens Nymphæi Crater dira suis Apolloniatis portendit. Augetur imbribus, egeritque bitumen temperandum illo fonte ingustabili, aliæ omni bitumine dilutius est. *Idem qui iam laudati sunt, iisdem locis.*

Non procul ab Apolloniâ in Tauliticâ regione (alij Taulanticâ legunt) ignis iugiter exardescit ex loco minimè ampio, vnde odor sulphuris, & aluminis existit: crescit tamen hīc herba altissima, & arbores excelsæ non plus quatuor passibus à flamma distant. *Aristoteles in Admirandis.*

In Bisaltiâ lepores duplex iecur habere perhibentur. Ibidemque templum Dionysij in quo ignis appetet, si futura vbertas; noctes & tenebrae portendunt sterilitatem. *Idem Aristoteles eodem loco.*

In Chalcidicâ Regione locus *Canthareletron* dictus, quia in eo viuere Cantharus, seu Scarabæus non potest, sed si eum subeat in orbem circumactus expirat. *Antigonus cap. 14. ex Theopompo; Aristoteles in Admir. Plin. lib. 11. cap. 8.*

Clytis lacus Nitrosus Macedoniæ, vnde populi Clytæ, ex cuius medio dulcis fonticulus existit; quodque mirum scatebrâ fontis semper emicante lacus nec augetur, nec effluit. Huic circa canis exortum Nitrum innatæ nouem diebus, totidem cessat: iis tamen diebus quibus Nitrum gignitur si fuerint imbres fit falsius Nitrum, Aquilones faciunt deterius quia limum commouent. *Plinius lib. 31. cap. 10.*

Q qq iii